



SYLLOGES
CONTROVERSIARUM,

Disp. I.

De Studio Theologiæ.

I.

Theologiæ studium, ut studiis cæteris omnibus eminentius est, ita animo sanctiore quam cætera omnia tractari meritò debet. Exod. III. 5.

II. Huic studio quoties incumbitur, Spiritus S. in verbo lecto gratiâ suâ præsens est, illudq; ad finem salutarem, quantum in se est, dirigit. Jac. I. 17. II. Tim. III. 16.

III. Nunquam igitur Theologia, quocunq; modo accepta, dummodò ex S. Literis hausta, mero naturali studio comprehenditur.

IV. Etiam irregenitorum Theologia, è S. Literis accedente humano studio comparata, est à Spiritus Sancti gratiâ. I. Cor. II. 14.

V. Quamquam ob impedimentum, ab homine positum, non semper ad gratiam usque sanctificantem procedat. Act. VII. 51.

VI. Majori ideò jure Theologia, etiam in impio existens, vera Theologia, si S. Literis conformis sit, dicenda est, ac Theologia naturalis, quam veritatis nomine dignatur Paulus, Rom. I. 18.

VII. In eminentiori tamen significato Theologia cum pietate conjuncta veræ Theologiæ titulum meretur, dum simul finem, omni Theologiæ præstitutum, actu ipso possessum in se complectitur. I. Joh. II. 4.

VIII. Non necessarium est Theologo, ut apodicticis
semper utatur argumentis.

A 2

IX.